

Kálag e'só eche Petro Ndibned n kálag

Kálag e'só eche Petro ântenlé, bad bé Krĭsto b́o
ânteléé ch́o. A kálag-tê wê achægé b́o aá, “Bad
ábe Dyõb ápwédé.” Abén bad bémpāntēd áte á
pɛd e akuu á mbwóg e echě béchágé'áá bán Esia
Maino. Nzom echě enkəŋ boŋ átel enén kálag,
ebédéé áwéd bad bé Dyõb nlém á abum áyāle
metake níme békúdé'áá ne adúbe áde b́enwōŋgē.
Awēd-te, abage b́o e'lyág bé nlém ábe nkalaŋ
ń bwām níme Yesu Krĭstəə ńbageé b́o. Mmē
nkalaŋ ń bwām ŕhóbe t̄ŋgɛne, kwééd, mpuu ne
ɛɛ éche Yesuɛ áɛé ámpē. Alūméd-te b́o áte aá
b́ekwɛntɛn metake ne e'lyág bé nlém. Anlúméd b́o
áte aá b́éb́ii ńén bán ńímé metake médií mekəgsɛn
ânyín nzé adúbe áde b́ewánlé ádé adúbe á mbále.
Béb́ii-'ɛ ńén bán b́ékũd nsábe á “Epun éche Yesuɛ
Krĭstəə áɛé.” Anlúméd-te b́o áte ámpē aá alongé
ádāb át̄ŋgɛné abé ngáne alongé á bad ábe b́éhíde
Krĭstəə.

Nkabtéd n kálag

Ndibned n kálag 1.1-2

Dyõb d́o abage e'soosɔŋ 1.3-12

Elébé ábel mekan níme mésáá 1.13-2.10

Mekan níme bad bé Krĭsto b́ét̄ŋgɛné abel á
póndé e metake 2.11-4.19

Asuded á yāl ne ábele Dyõb ńéɛ mod a Krĭsto 5.1-
11

Nsógɛn 5.12-14

¹ Mε Petro, mbapεε a nlomag awě Yesu Krīstəə, ntenle nyé bad ábe Dyöb ápwédé, ábe bépánjtédé áte bonj bébé beken á mbwóg é Pontus, Galesia, Kapadosia, Esia ne Bitinia.

² A ntii nímē Dyöb Titée, ammad nyé apwεd. Echē Edəádəη-’ε ébélé nyêdé bad ábe bésáá. Abelé nê ábel nyêbele mekan míme Yesu Krīstəə álánjé nyé aá nyébel. Abelé nê, ábel nímē mekií míme mésyógkē á awog mébel nyékud alagsen dé mbéb. Nsimé ne nsanj ní Dyöb núbê ne nyé abé ne abé.

Dewóó e’lyóg bé nlém

³ Mekεnag mébê ne Dyöb áde ádé Sáá awě awεd Sánjwéeé, Yesu Krīstəə. Apuúdté Yesu Krīstəə. Né-óó dékudé alongé dékōlē. Abel áde ábélé nê, ábágé syánē e’lyóg bé nlém bé alongé áde déemaá’.

⁴ Desine’ kááηne nhon míme Dyöb ákóηnéde ábē bad. Akóηnéde nyé mó ádyöb. Ahed-te méebó’é, méebéb-paá.

⁵ Dyöb ábenlad echē ngum ákəə nyé adúbe ádé nyédúbpé mó, kááη né nyékudé e’soóson. Abê e’soóson bényinnēd á epun é asóg.

⁶ Nyédíi nyébê menyinje ne nê, kénéε édíi nén bán nyééküd metake nyaa ne nyaa é esónj é pónde.

⁷ Mmē metake mápě ákəg nyé adúbe, álúmed nén bán adúbe áwúú nyé áte ne mbále. Gól ehεle ebéb, bonj ké nê, bébelé béhé chó á dū áśaad chó. Nzé béhεle bébel nê ne gól, né bétánjéné áden adúbe dómpē akəg ábel nén áwúu áte áyāle áden adúbe átómé gól. Nzé áden adúbe átómé mekəgsen áte, né Dyöb déken nyé, áβε nyé ehúmé ne edúbé ádé Yesuε álūmēdtē bad bé nkōηsé bésyāēl yāl.

⁸ Nyêdăă mŏ kénée nyéenyīnēē mŏ. Nyêdúbpé-
'ε mŏ kénée nyéenyīnēē mŏ bŏab. Ké bŏab-pε
nyétómténé menyīnge abé nyaa echě mod éhελέέ-
σε ahób.

⁹ Chŏm echě nyékudté áyāle adúbe áde
nyédúbpé mŏ édii e'soósonj ábe ábēn e'dăádəj
békudté.

¹⁰ Bekal bé'dăádəj bēnhŏb mam á'sŏ é' pŏndé
tāngene ábē e'soósonj ábē Dyŏb débée nyé née
nsimé. Béntŏj ábē e'soósonj ahed áte ábel bésŏjten
bŏ.

¹¹ Edăádəj éche Krīstăă émbē bŏ áte álăa bŏ
á e'sŏ é' pŏndé ngáne Krīstăă átagké ne ehúmé
échě ákudté ámbīd e pŏndé, boj bēmbē béhedé
áte. Béhédé'áá áte ábíi pŏndé echě nímmē mam
mébenlédte ne wée mod awě mébenlédte.

¹² Dyŏb dénlŏméd ábē bekal bé'dăádəj áte áá
nsŏn nímmē bébeleé méesaá nsŏn nímmē bēn békudté
nsyāj áhed, boj nídii nsŏn nímmenyé. Dyŏb
dénlŏmē bad Edăádəj éche Esáá échě ébídé ádyŏb.
Echē Edăádəj chŏo émbēl boj baahóg békálé
Nkalanj ní Bwām nímmē nyéwógeé bŏab. Mmén
mam mŏo bekal bé'dăádəj bēhŏb'áá. Kŏŏjne ángel
édăá nímmén mekan asŏjten.

Mbêltéd nímmēn níśāj

¹³ Né-ŏŏ, nyépŏd abad, nyébē mbojsén ábel nsŏn
nímmē Dyŏb áhedéé. Nyétêd pŏndé nyésu-mε
nlém nísyāl áyāl e nsimé nímmē Dyŏb débée nyé á
pŏndé echě Yesue ápεé ámpē alúmed-te nyé yāl.

¹⁴ Ngáne édii bán nyédíi bad ábe bébele mekan
nímmē Dyŏb áhedéé, nyéēm-wāg-se mam mé mbéb
nímmē nyébélé'áá bŏŏd mébé mékamlán ádēn
alŏngé.

15 Dyõb ádé apwɛdé nyé asáá. Né-ɔ́ nyémpɛ nyêtɛŋgéné asáŋ á mbeltéd mímmɛn ísyā́l.

16 Eténlédé á kálag e Dyõb nɛn bán, “Mbeltéd mímmɛn ísáŋ áyāle mbeltéd mímmɛn ísáá.”

17 Dyõb ákáadte’ moosyā́l nyaa póg. Eékwognáádté modmod. Nzé nyêkâne-’ɛ áwɛ, nyêchage mó bán Titée. Né-ɔ́, nyéwõŋ mbwóg í Dyõb áte á alonǵé ádɛn ásyā́l á nkõŋsé-te wén wée nyédíí beken.

18 Nyêbíí nɛn bán Dyõb ákódté nyé á ekúkú é abé-te. Ekúkú é abé échê ábɛn betaa bɛnlyāgnɛdté nyé saké chõm née gól ké’ɛ sílva échê ébébe’ chõo ánkɔdnédte nyé.

19 Ndale e mekií echê Yesu Krístæ chõo ánkɔdnédte nyé. Krístæ awɛ adé née ídyõŋ mí mbód mímé méewõo awusé ké ahóg á yál.

20 Nkõŋsé ídêhób bán míbootad, Dyõb dêmmäd mó apwɛd. Bõŋ bõõb á asóg hén alúmté yál wée bad bé nkõŋsé. Abelé nê áyāle nyé.

21 Krístæ akáá nyédúbpé Dyõb. Nyêhɛle-se nyédúbé Dyõb nyésūm-mɛ nlém ísyā́l áwɛ, áyāle apuúdté Krístæ abídté-’ɛ échê ehúmé áwɛd.

22 Abel áde nyébeléé mekan mé mbále ábélé nyésáá. Nê ábélé-’ɛ nyāābe bad bɛmpɛe ábe bédúbpé Yesuɛ nyêdǻŋné. Né-ɔ́ nyédɛŋ nhóg ne aníníí ne nlém ísyā́l.

23 Nyêbíí nɛn bán Dyõb ábágé nyé alonǵé dékōālɛ mbwiined ne échê eyale. Echê eyale épééne alonǵé éesaá-’aá chõm éche ébébe’. Ebɛ abé ne abé. Dyõb áde ádé á ngíndé ne á ngíndé dõo ábágé nyé ádé alonǵé saké moonyonŋ.

24 Eténlédé á kálag e Dyõb nɛn bán, “Moonyonŋ adíí née nkæákæ,

ábē e'boŋ-'ε é'dé nêŋgáne mbonja échē
 ékwoge á ahín-tê.
 Nkəákəə ayēnle', mbonja-'ε ésoode.
²⁵ Boŋ eyale é Dyöb ébé abé ne abé."
 Echē eyale édii nkalaŋ mí bwám míme békánlé nyé.

2

Nyèdii meláá mé alongé

¹ Né-ṵó, nyéte de mí mēn mbeltéd mé mbéb ísyāāl.
 Nyéekālē metóm, nyéelúmté' á díd-te ngēn nēn
 bán nyēbele bwám áde nyéebeléé, mod eesíídé
 waáb, e'yale bé mbéb béebīdē-'ε nyé á nsəl.

² Nyétáŋgéné awan áte ákud ndyééd e edəádəŋ
 echē esáá, melemlēm ngáne bán bé nkəál
 béchyεε' é abii, ábel nēn nzé nyédyédé ene ndyééd,
 nyékwog ákud e'soóŋ.

³ Nyéwógléné ene ndyééd, nyébíi-'ε bəəb ngáne
 Səŋgwéé ábeléé mekan mé bwám.

⁴ Nyéhyag wéε Səŋgwéé, mó adé néε aláá dé
 alongé áde belóŋ bé ndáb bēnchenéé, boŋ Dyöb
 ányín dó aá ákwógnédé, ápwəd, ákōō-'ε dó.

⁵ Nyéhyag-kṵó nyébē néε meláá mé alongé míme
 Dyöb ábenladté álóŋ eche ndáb e edəádəŋ. Awəd-
 te-'aá nyébenléé mó. Nyéēbē beprise ábe bésáá,
 nyébagé mó mendε mé edəádəŋ míme mékóbnédé
 áwe e'só mbwiined ne Yesu Krístəə.

⁶ Eténlédé á kálag e Dyöb nēn bán,
 "Ntédé aláá dé etógnén

nsumé á Zayən.

Kéznéé awē adúbpe mó éekwágké."

⁷ Adén aláá-ṵó áde etógnén ne nyé awē nyédúbpe
 mó boŋ ne bad ábe béédúbpe mó ádíi nēŋgáne
 "Aláá áde belóŋ bé ndáb bémbāŋgē abenled,

dóo átímé aláá dé etógnén abé.”

⁸ Eténlédé ámpē nén bán,

“Mó adé aláá áde bad bélúméé ámīn

abé-’ε ndim e aláá echē ebēle bad békweg.

Bad békweg áyāle béewōgnēē Dyōb. Nê dóo Dyōb átíídé aá ébēnled ne bó.”

⁹ Bon nyé, nyéēsaá nê. Nyédii bad ábe Dyōb ápwédé, beprise bé Dyōb áde áde kâñ. Nyédii alon áde ásáá, Dyōb dēn-naá áwóó nyé ábel nén nyélúmed bad bēmpēe ngáne ápédé bwām abé. Dyōb áhúdé nyé á ehíntén-tê, apēné nyé á e’nyínen bé ekíde.

¹⁰ Ngen e’só nyénkēmbáá bad bon bōob nyēnyédé bad bé Dyōb. Ngen e’só ngol e Dyōb enkēmpaá áwēn bon bōob Dyōb áwógé nyé ngol.

Nyébê betāñ bé Dyōb

¹¹ A-bānned nhede mēé nyésōñten nén bán nyédii beken, nyétome-’ε á nkōñsé wén tómén. Né-óó nyéēbanné nlém ne mekan mé ekob é yāl áyāle nén nê áwanne ábēn e’dædæñ bēn nzum.

¹² Nyéwále alongé á bwām átínté e bad ábe béedúbpe Dyōb, ábel bon ké bēnhōb bán nyédii bad bé mbéb, bényīn mīmēn mbeltéd ní bwām. Nê dékãñ bébe Dyōb edúbé mbwε níme Dyōb dépéé á epun é asóg.

¹³ A dīn á Sánjú, nyéwógne bad bé nkōñsé ábe bédé á nkamlēn, ken nkamlēne ambáámbáa,

¹⁴ ké’ε kâñ echē édé ásē e nkamlēne ambáámbáa, echē álómé ákógsen bebel bé mbéb ne ákémed bad ábe bébele’ bwām.

¹⁵ Dyōb áhede nén aá mekan mé bwām níme nyébeléé mékúdtēn mehób níme ábē e’yókél é’ bad bēhóbēé nyé áyāl, níme béēbíí’é.

16 Nyéēsaá betân, nyêdii kunze. Boŋ pen nê déebageé nyé nzom ábel mbéb. Nyébê néε bembæledε bé Dyöb.

17 Nyébage moosyǎl edúbé. Nyédəŋ-ε bad bémpēe ábe bómpē bédúbpé Krīstə. Nyébáa Dyöb. Nyébage kəŋ Embáambáa edúbé.

Metake míme Krīstə mébê syānē e'chemléd

18 Nyé bad ábe nyêdé bembæledε, nyésuded yǎl ásē e bad ábe nyébenléé ne edúbé ésyāal. Nê déebāg ne ábe bébóó nlém bēnpen, boŋ nê ábê ne káəŋne ábe bébébé nlém.

19 Dyöb débē menyiŋge ne nyé nzé nyêweséné e'wε é' metake míme nyénkēmbáa nyékude áyāl eché.

20 Nzé ebélé mbéb, boŋ ewēséné mbéte áyāle míme mbéb, ne nsyāŋ níhéé wékudté? Boŋ nzé ewēséné metake ké áyāle dyam á bwām áde ébélé, né Dyöb débē menyiŋge ne wε.

21 Mmēn metake mébónédé nyé awě Dyöb ápwédé, áyāle nēn Krīstə mwēn antāg á nló mímēn. Anlyágé-ε nyé elansén ábel nyéhíd míme mekuu.

22 Enkēmbenlé mbéb ké nhóg, modmod enkēnwóg-kaá mó eyale é mbéb á nsəl.

23 Ade bad bésyáá mó, enkēntimténné bó. Ade bétágté'áá mó, enkēnsidté bó. Boŋ ambě mésyāal á mekáá mé Dyöb áde ákáadte bad bésyāal nyaa póg.

24 Krīstə mwēn ampém mímed mbéb áwe yǎl á awəg ábel nēn deewóó dyamdyam ábel ne mbéb, débεle-ε mekan míme Dyöb áhεdεé, á alongé ádēd. Echē sii ébélé nyékudé e'choóchoŋ.

25 Nyêmbé née ndyɔŋ ní mbód níme níbóó bon bɔɔb Dyɔb ápééné nyé ámbíd áhíd mod awě anone nyé ngáne nnən-a-mbód ánənέέ éche mbód.

3

Bebaád ne ábab bechóm

1 Nyé bebaád bé bechóm-me nyéwógne áben bechóm ábel bon ké émbē nén bán béehídeε eyale é Dyɔb, níme mbeltéd ní bwám níbel bómpē bétimned Dyɔb, bédúbé-’ε mó. Ké nyéētɔgne bó dyamdyam aláa,

2 bényĩn áden abé á bwám áde ásáá.

3 Nyéēsūmē nlém nén bán áben e’bon é’bide dásō áyāle ekāŋ é mbíd ebwóg née anabe dé esid, ahé á bwēm nēŋgáne e’bón, nsāŋ, ne e’bése ké’ε kase é mbóté.

4 Bon bebii nyé dásō ne e’bon ábe é’bide nyé áte. Abē e’bon béehəŋlānné áyāle é’bide ne edəádəŋ échē épwiítédé échē éetagtán-ne. Abē e’bon bóó Dyɔb ányĩneé áá é’de etógnén.

5 Nê dōó bebaád ábe bésáá bé’ bɔɔd ábe bēnsūm nlém ne Dyɔb bebélé’áá bon é’bāb e’bon é’bíd áwed. Bēwógné’áá ábab bechóm.

6 Seraa mwēn ambé nê. Awógné’áá Abrahame áchəgé-’ε mó áá asāŋ. Nzé nyébele’ mam mé bwám ésebán nyébāa dyamdyam, né nyédii Seraa ábe bān.

7 Nyé baachóm-me ábe nyéwóó bebaád, nyétəŋgéné áben bebaád edúbé abe. Mod tée ábē ne awě mwaád, anone mó bwám. Béepedéé nyé e’wúu áte, bon nyáābōó nyéēkūd alongé nyaa póg. Adē alongé ádii nsimé níme Dyɔb ábageé. Nzé

nyéewânle bó ngáne éhɛdnɛé, né Dyõb déewógké nyé mekáne.

Nyébele bwâm ké nyékudé metake

⁸ Asóged, nyé moosyǎál nyébê mod nhóg, nyéwõŋ nlém míme nípwíítédé, nyésudɛd-tɛ yǎl.

⁹ Nyéētímté mbéb áyǎle mbéb. Nzé mod ahóbé nyé dyam dé mbéb áyǎl, nyémpē nyéehóbé mó dyam dé mbéb á yǎl, nyékáné kánnén bán Dyõb ánamed mós, áyǎle nnam mós Dyõb dénhõbpē áá mósǎbě nyé áde ámpwɛdté nyé.

¹⁰ Eténlédé nén bán,
 “Kéznɛé awe ahɛde alonǵé dé menyinǵe,
 áhɛdé-’ɛ áá mónyín e’pun é’ bín é’ bwâm,
 eehóbé’ mekan mé mbéb,
 eékālē-’ɛ metóm.

¹¹ Asóg mbéb ábɛl, ábele mekan mé bwâm.
 Awanɛn ábé nsan ne moosyǎál.

¹² Ayǎle Dyõb anóné bad ábe bébele mekan mé bwâm
 awoge-’ɛ bó mekáne.
 Boŋ akunnan bad yǎl ábě bébele mbéb.”

¹³ Nzéé-ǎ ahɛle ádǎŋ nyé mbéb ábɛl nzé nyéwóó nlém áte ábɛl mekan mé bwâm?

¹⁴ Boŋ ké nyéntǎg-kɛ ké tagén ábɛl mekan míme Dyõb áhɛdɛé, né Dyõb dé naméd nyé. Nyéewógé mbwóg, nyéētǎgē-’ɛ áte.

¹⁵ Boŋ pɛn nyébe Krístǎ edúbé, nén mósóde Sǎngwéé á alonǵé ádɛn. Nyébê mboŋsɛn pónde ésyǎál átimtɛn kénzɛé awě asɛdté nyé dyam tǎŋgene nlém míme nyésūmē wéɛ Krístǎ.

¹⁶ Nyékéled nlém á abum. Nzé nyébele nê, nyésūdéd yǎl ne edúbé ésyǎál, nyékéled-tɛ nlém á abum wéɛ bad ábe béhóbe nyé mekan mɛ mbéb

áyā́l, áyā́le nyéhídeé Krístəə. Békwaḡ nzé bényíné áden abé á bwâm.

17 Nyébii nén bán édé bwâm mod âkud metake áyā́le dyam á bwâm áde ábélé, nzé nê ádé á ntíi ní Dyöb, tómaa âkud metake áyā́le dyam dé mbéb.

18 Krístəə mómpē ankūd metake awé-ε áyā́le níməd mbéb ngen póg ne ngen ésyā́l. Abédéε mod awé abele mekan níme Dyöb áhedéé, bon anwé á nló níme bebel bé mbéb. Ambel nê, ábel dépe wéε Dyöb. Bad bēnwū́ mó bon éché ekob é yāl chóó énwē. Dyöb dēmbēl éché edəádəḡ émbē ébē á alongé.

19 Echē edəádəḡ chó-’aá ânkeénné á mbwəḡ âke dé akale e’dəádəḡ eyale é Dyöb.

20 Abén e’dəádəḡ é’bédéε e’dəádəḡ ábe bēnkēnwóḡén Dyöb se’ bəód áde Dyöb dēnchabtédte bó e’kəd áte ábel bétede nímab mbéb á pónde échē Noa álóó’áá bǎε é’mbáá. Bad waam bēnpən bóó bēmbē á bǎε-tê. Bēnkūd e’sóosəḡ áyā́le mendíb.

21 Nén ádé melemlen nēḡáne edusən. Echē edusən chóó ébele bəob bon bad békūd e’sóosəḡ á ḡíne e mpuu níme Yesu Krístəə. Edusən éesaá awobe á yāl áhúd mbinde bon édii ákwentən dé abele Dyöb ne nlém níme rísáá.

22 Krístəə akií ádyöb, áwed-taá ádyéé Dyöb á ekáá é mbáá bon ákamláán áḡel ésyā́l, benkamlene ne ḡíne échē édé ámín.

4

*Alongé á bad ábe bédúbpe
ábē ḡáne Dyöb áhedéé*

¹ Né-ɔ́ ngáne édíi bán Krístəə anküđ metake é ekob é yǎl, nyémpē nyétəŋgéné nyébé mbonşén áwŋŋ melemlém mé mewêmtən nêŋgáne ánwŋŋē. Ayāle, kénzée awē atagé é ekob é yǎl, asógé mbéb abel.

² Ngáne édíi-'áá nê, alongé áđēn á nkŋşé wén ábê ngáne Dyŋb áhedéé saké bán mpúlé mé nkŋşé múmó ríkamlan nyé.

³ Mekan nímě bad ábe béebíi Dyŋb bédəə'é abel móo nyémpē nyébélé'áá. Ene pŋndé emaa atóm, ekwŋgnédé-'ε. Nyékábé'áá mesŋn, nyêwŋŋ nlém áte ábel mam mé mbéb, nyêmwágé'áá mím mékŋbē nyé, nyêchagé'áá ngande éché bad bémwágé'áá mím mékŋbē bó, bébélé-'ε e'tŋŋgé é mekan, nyé bēnlé-'ε myŋb mémpēe, dyam áde déebo.

⁴ Bēn ábe nyáábɔɔ nyébeláá nímén mbeltéd mé mbéb bɔɔd, bédé menyáké bɔɔb ányín nyéəsaá ne bó ámpē ábel epuutéd ne e'kúkú é' mekan. Né-'áá ákás bon bésyāā nyé.

⁵ Bon bétyēem á nkáá á'sŋ é' Dyŋb áde ábŋşéné ákáad moosyāál. Akāād ábe bédé álongé ne ábe bēwédé.

⁶ Nén dŋɔ́ dékŋŋ bon nkalan ní bwām ríkanléd káəŋ ne wēε bad ábe bēwédé, ábel bon kénéε bēnkāadtē bó áde bédíi á nkŋşé-te, bēwé-'ε ngáne moosyāál áwágkē, bēhele-sε bēbé á alongé ngáne Dyŋb ádíi.

Nyēbenlad ndε éche Dyŋb ábágé nyé bwām

⁷ Asóg dé mekan mésyāāl áde bēnbēn. Né-ɔ́ nyébwŋg yǎl nyétéd-te pŋndé ábel nén nyéhel akáne.

⁸ Amīn e nīmén mésyāāl, nyédəŋ nhóg ne aníníí ne nlém ísyāāl. Nyédəŋ nhóg ne aníníí, áyāle edəŋge ékúdtan mbébb híin.

⁹ Nyékob nhóg ne aníníí nken ésebán nyényonŋe áte.

¹⁰ Dyöb áwóó ndε híin, abagé-’ε mod téé echě ndε. Nyébê bembəledε bé bwám nyébenlad-τε échēn ndε áwónŋen nhóg ne aníníí.

¹¹ Ane awě abíe’ dyam ahób, ahóbé dó néε nhóg awě akale’ e’yale ábbé é’bídé wée Dyöb dēn. Ké nzéé-’ε awě awónŋan baáb, ábele’ nê ne ngíne esyāál echě Dyöb ábágé mó. Nê débídéd ehúmé é Dyöb áwed á yāl e mekan mésyāāl mbwiined ne Yesu Krístəə. Ehúmé ne ngíne esyāál bébágnédé mó á ngíndé ne á ngíndé. Ebê nê.

Metake nímê bad bé Krísto békudé

¹² A-baányəŋ, nyéebág menyáké ne mekəgsen mé ngíne nímé mépiide nyé bəəb. Nén déébāg nyé nken.

¹³ Nyébê menyŋge pən nén, nyékude’ metake melemlem ngáne Krístəə ákúdé’áá, ábel nén nyélón ne menyŋge á pónde echě Dyöb délümēdtē ehúmé éche Krístəə.

¹⁴ Nzé bad bésyáə nyé áyāle nyédíí bad ábe behíde Krístəə, né yāl eboó nyé áte, áyāle ehúmé é Edəəđəŋ é Dyöb édé ne nyé.

¹⁵ Boŋ pən nzé nyékude metake éébāg nén bán nyékude nímê metake áyāle nyéwúú bad, ké’ε áyāle nyéchíbbé, ké’ε áyāle nyédíí bad bé ebébtéd, ké’ε áyāle nyésóléé mam mé bad áte nímé méenəné nyé.

¹⁶ Ké né-’ε, nzé nyékudé metake áyāle nyédíí bad ábe behíde Krístəə, nê déekwāgtē nyé. Nyéságnen

Dyõb ságnén nén bán béchágé nyé bán bad bé Krísto.

¹⁷ Ayāle pónde edé echë Dyõb débootédté bad akáad, ábootéd-τε ne ábē bad. Nzé Dyõb áhele ábootéd-τε ne syánē awě dedé bad bé Krísto, chán-nō ébēēnnē bad ábe béebelé' mam ngáne nkalaη ní bwām ní Dyõb níηεδεé.

¹⁸ Eténlédé-'ε á kálag e Dyõb nén bán,
 “Nzé éhele élenléd káηηne mod awě abele ngáne
 Dyõb áηεδεé áte ákud e'soóση,
 né chán-nō ébēēnnē bebel bé mbéb ne bad ábe
 béedúbpe Dyõb?”

¹⁹ Né-ωó, bad ábe bétage' ngáne Dyõb átíídé, bébê bébele mekan mé bwām, béβε-'ε yāl á mekáá mé Dyõb áde áhágé bó, mó awě ábele kéchéé échë áhábé.

5

Petro alébe bad ábe bélyágte mwembé

¹ Με νέε nhóg awě alyágte', ndə́ mēé mibe bad ábe bélyágte' átínté echên elébé. Ndé nhóg awě ambé metake níme Yesuε ásē. Ehúmé échë Dyõb débéé Krístə́ épě awēm ámpē. Nlébe' nyé nén mēé,

² nyénə́ne bad ábe Dyõb ábánné ásē echên melemlen nēηgáne nnə́n-a-mbód ánə́nέé éche mbód. Nyénə́ne bó ayāle nyédáá bó anə́n. Nyéēnōnē bó byánán bényágté nyé ānə́n bó. Nyébele' mímē nsón saké é etútú é nsyááη, boη ébē bán nyēwóó nlém ábel mó. ³ Nyéēkamlán bad ábe bédé ásē echên ne ngíne. Nyébê bad ábe béhídtē mekuu nímāb.

⁴ Ade kâη e benən-bé-mbód épεέ, äbĕ nyé nsábe míme ríchábé ámīn. Mmê nsábe mébē á ngíndé ne á ngíndé.

⁵ Nyémpē ábe nyêdé ásē e bad ábe bélyágte', nyésuded yǎl, nyésuded-te yǎl nzé nyêwōηgan nhóg ne aníníí. Ayāle éténlédé á kálag e Dyöb nén bán Dyöb ákunnan bad ábe bédé kúmbe yǎl, bon abage bad ábe bésúdté yǎl nsimé.

⁶ Né-ó nyésuded yǎl ásē e ngíne e Dyöb ábel bon mwēn ácháged nyé á póndé echĕ eböηnéde mó.

⁷ Nyéchene mekan mésyāāl míme métagte nyé áwe mekáá, áyāle atédé mam míme métagte' nyé néε nímē.

⁸ Nyékób yǎl, nyétéd-te póndé. Mod a ekoyí awēn, Satanε, ahōηge néε ngii echĕ edume áte, ahεde mod awĕ ányabεé áte. ⁹ Nyéemwāg-se atóm nyé áte. Aden adúbe déesudé'. Nyêbíí nén bán bad bémpēe ábe bédúbpé néε nyé nkōηsé áte rísyāāl bómpē békude metake nímē nyémpē nyékudéé.

¹⁰ Nyékude' metake bon nímē metake méechabpé áte. Ambíd e nê, Dyöb áde ábage' nsimé rísyāāl dĕn dĕbĕ nyé kéchéé éche nyébóde. Abĕl nyésūmēn, awéd-te nyé áte. Adíi Dyöb áde nsimé nímē ríkwógnédé moosyāál, míbê-'ε póndé ésyāāl. Mó apwεde nyé ákud éche ehúmé échĕ ébē á ngíndé ne á ngíndé. Nyééküď-te chó áyāle nyêdé ne Krīstəə.

¹¹ Ngíne esyāál edíi echĕ á ngíndé ne á ngíndé. Ebĕ nε.

Melentēn mé asóg

¹² Sailase mó awóηgéné με átel anén mwă kálag. Adíi με néε mwānned mbänné-'ε mó nlém á yǎl. Ntenle nyé enén kálag áwéd nyé nlém á abum,

âláa-’ε nyé nén μεέ nímén mam níme íténlé nyé médíi nsimé ní Dyöb ní mbále. Nyéehúdé mekuu áhed.

¹³ Baányonj bé mwembé ní Babilon ábe Dyöb ápwédé née nyé, bélómmé nyé melentεν. Awem mwän awě níkwógté á adúbe-tê, Maköse mómpē alómmé nyé melentεν.

¹⁴ Nyéhê nhóg ne aníní tâl álúmed edənge. Nsan níbê ne nyé bad bé Křisto básyāāl.

Mel̃ Mékōōlē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48